

## Հ Ա Շ Վ Ե Տ Վ ՈՒ Թ Յ ՈՒ Ն

### 2022 թվականի նոյեմբերի 15-ից 17-ը Ռուսաստանի Դաշնություն գործուղման արդյունքների մասին

1. Անունը, ազգանունը՝

Արմեն Սիմոնյան

2. Զբաղեցրած պաշտոնը՝

ՀՀ ՏԿԵ նախարարի տեղակալ

3. Գործուղման վայրը և ժամկետները.

Ռուսաստանի Դաշնություն (Մոսկվա), 2022 թվականի նոյեմբերի 15-ից 17-ը

4. Հրավիրող կողմը.

Հրավերները ստացվել են ԱՊՀ ՀՏԽ-ի նախագահ, ՌԴ տրանսպորտի նախարար Վիտալի Սավելևի, Անկախ պետությունների համագործակցության անդամ պետությունների համակարգող տրանսպորտային խորհրդակցության քարտուղարության, ինչպես նաև ԵԱՏՄ Կոլեգիայի անդամ-էներգետիկայի և ենթակառուցվածքների գծով նախարար Արզիբեկ Կոժոշևի կողմից:

5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցություն «Տրանսպորտային շաբաթ-2022» միջոցառման շրջանակներում անցկացվելիք ԵԱՏՄ անդամ պետությունների տրանսպորտի ոլորտում լիազորված մարմինների ղեկավարների խորհրդի 6-րդ և Անկախ պետությունների համագործակցության անդամ պետությունների համակարգող տրանսպորտային խորհրդակցության 42-րդ նիստերին:

6. Քննարկված թեմաները.

- ✓ Քննարկվել են 2021-2023 թվականների ԵԱՏՄ տրանսպորտային քաղաքականության իրականացման ճանապարհային քարտեզի միջոցառումների իրականացման ընթացքը,
- ✓ մտքերի փոխանակում է տեղի ունեցել ԵԱՏՄ անդամ պետությունների տրանսպորտային համալիրների աշխատանքի արդյունքների, կարգավորող իրավական դաշտի կատարելագործման վերաբերյալ,
- ✓ կողմերը տեղեկացրել են «Եվրասիական տնտեսական միության արտաքին սահմանին տրանսպորտային (ավտոմոբիլային) հսկողության տեղեկատվական ապահովման մասին» թիվ 46 ընդհանուր գործընթացի իրականացման պատրաստակամության աստիճանի մասին,
- ✓ քննարկվել է «Տրանսպորտային ծառայությունների համաշխարհային շուկայի վերլուծություն» վերլուծական զեկույցի

նախագիծը, բեռնափոխադրման համաձայնագրի իրականացման հարցեր:

**7. Հանդիպումները, ելույթները, բարձրացված կամ քննարկված հարցերը.**

Նիստի մասնակիցները հատուկ ուշադրություն են դարձրել միջազգային պայմանագրերի ստորագրմանը և իրագործմանը: Մասնակիցները վերահաստատել են Եվրասիական տնտեսական միության անդամ պետությունների՝ Եվրասիական տրանսպորտային միջանցքներում ընդգրկված ավտոմոբիլային ճանապարհներով երթևեկելու դեպքում փոխադրամիջոցների թույլատրելի զանգվածների, առանցքային բեռնվածքների և չափսերի մասին համաձայնագրի շուտափույթ ընդունման մտադրությունները: Նիստի ընթացքում նշվել է, որ բեռնափոխադրումների վերաբերյալ համաձայնագրի ընդունմանն ուղղված ընթացակարգերը ՀՀ-ում ավարտված է:

Հաստատվել է 2010-2022 թվականների համար Անկախ պետությունների համագործակցության անդամ պետությունների համակարգող տրանսպորտային խորհրդակցության գործունեության հաշվետվությունը:

Հանդիպում է տեղի ունեցել Ռուսաստանի Դաշնության տրանսպորտի նախարարի տեղակալ Դ.Ս. Զվերևի հետ: Հանդիպման ընթացքում քննարկվել են ՀՀ-ՌԴ տրանսպորտային համագործակցության մի շարք հարցեր:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Հանդիպման արդյունքներով ստորագրված փաստաթղթեր, ընդունված որոշումներ առկա չեն:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Հստակեցվել է Անկախ պետությունների համագործակցության անդամ պետությունների համակարգող տրանսպորտային խորհրդակցության և ԵԱՏՄ անդամ պետությունների տրանսպորտի ոլորտում լիազորված մարմինների ղեկավարների խորհրդի հերթական՝ համապատասխանաբար 43-րդ և 7-րդ նիստերի անցկացման վայրն ու ժամկետները:

**10. Ստորագրությունը, ամսաթիվը**



22.11.2022 թ.